

سروش

والله يهدي من يشاء الى صراط مستقيم ديني ، علمي ، ادبي ، سياسي هفته لقي بمجموعة اسلاميه در

اتبعون اهدكم سبيل الرشاد

مناصب و مدير مسئول : ح . اشرف اديب

اول حضرت احکام احرامی، حجک واجبارینی و سنتلرینی بیان ایدهرک خطبه ایراد بویوردیلر ..

علیه الصلاة والسلام افندیمن ذی القعدة نك ختامه آنی كون قاله نجشنبه ، یاخود جمعه ایرتسی کونی اوکله نمازینی مسجد شریفده دورت رکعت اولهرق قیلدقدن صوکر مبارک صاچ و صاقلالرینی طارادی؛ خوش رایجه لی یاغ سوردی . مسکلی قوقولراستعمال ایتدی . رداوازارینی کیدی . اوکله ایله ایکندی آراسی ایدی . قافله حرکت ایتدی . فیخر کائنات افندمزک اوکندن ، آرقه ندن صاغندن ، صواندن کوزک کوره بیلدیکی یرلر خلق ایله طولو بولندی حالدله ایلروله میورلردی ... خطبه ایراد بویوردیلغنه ، اوکله نمازی قیلندیغنه باقیله حج اولور ایسه یوم حرکتک نجشنبه دکل ، جمعه ایرتسی کونی اولدیغنی ا کلاشیلیر . چونکه فیخر کائنات افندمزک جمعه دن ماعدا کونلرده اهلایینی جمع ایتدیرهرک منبرده خطبه ایراد بویوردقلری معلوم دکلدر . شو حالدله اول حضرتک جمعه کونی بعدالجمعه حج حقنده ایراد خطبه دن صوکر فرداسی جمعه ایرتسی کونی اوکله نمازینی قیلهرق یوله چیتمش اولدقلری مستبان اولور ..

قافله ذوالحلیفه موقعنده توقف ایتدی . اوراده کیجه لیله جملردی . بناء علیه یوله چیققدقلری کونک ایکندی ، اقشام ، یاتسو نمازلری ده اوراده قیلندی . فرداسی کونک صباح نمازی ده قیلدقدن صوکر اول حضرت قربانلق دوه سنک هور کوجنی قاماده رق نشانلدی وبره قلاده اولقی اوزره بویتنه نعلین طاقدی . صوکر احرامه مخصوص اولقی اوزره غسل ایتدی . مبارک باشنی (غینک کسریله :) غسل ایله بیقادی . مسکلی طیب استعمال ایتدی . ردا وازارینی کیدی . اوکله نمازینی قصر طریقله ایکی رکعت اولهرق قیلدی . ایشته نمازینی قیلدیغنی شورده حج قرانه ، یعنی حج وعمره نك ایکیسنه بردن نیت وجهراً « لیک اللهم لیک لیک لاشریک لک لیک ان الحمد والنعمه لک والملك لاشریک لک » دیه تلییه ایلدی . بعده ناقه سنه ییندی : اصحاب کرام ، علیه الصلاة والسلام افندمزک تلییه سنی ایشدیو ، واول حضرتک امریله آنلرده تلییه لرینی یوکسک سسله اذقیورلردی . بوندن بویله یوکسک موقعلره چیققدقه یوقوشلره ایندکجه ... تلییه ایدیلیوردی . فقط اول حضرت اهلانده بعضاً حج وعمره نك ایکیسنی ذکر ایدیورلردی . ایلروده کوریله جکی وجهله ایشته بونقطه دن طولاییدرکه حضرت پیغمبرک شو احرامنده قارن ویاخود متمتع ومفرد اولدیغنی حقنده اختلاف ایدیلشدر : حج وعمره یی ذکر ایدهرک اهلانی ایشیدنلر ، اول حضرتک قارن اولدیغنه ، یاکنز بریسنی ذکر ایلدیکنی کورنلرده یا مفرد یاخود متمتع اولدیغنه قائل اولمشلردر . فقط اصحاب کرام حضراتی ، علیه الصلاة والسلام افندمزک تخیری اوزرینه کنیدی آرزولرینه کوره بعضلری مفرد ، بعضلری قارن یاخود متمتع اولهرق احرامه کیرمشلردی ..

ذوالحلیفه موقعنده حضرت ابوبکرک زوجه سی اسمانیت عمیس

طوغورمشیدی . اول حضرت آنک غسل ایدهرک احرامه کیرمسنی امر ایتدی ..

قافله حج سرف ، نام موقع کلدکارنده رسول اکرم افندمن ، هدیلری بولمیانلرک - افراد ، یاخود قران دکلده ، - عمره نینی اوزره بولملری ده ای اوله جغنی - ویلیدی . دتت ایدیله جک اولورسه بونک اولکی تخیری بردرجه یه قرر نقض ایتدیکی کوریایر . چونکه میقاتده ایکن اصحاب کرامک ایستدکاری کبی احرام ایتمه لرینه مساعده ایدیلش ایکن سرف موقعنده عمره نك مندوبیتی بیان بویوردیلوردی . بو حالدله هدیلری بولمیانلرک افراد وقراندن زیاده ، مندوبیه رعایه عمره طرفنه میل ایتملری ده محبوب اوله جقدی .

عمره بیتله احرامه کیرمش اولان ام المؤمنین حضرت عائشه شوسرف نام موقه کلدکده عادتی کورمکه باشلامشیدی . پیغمبرمن افندمن آکاده طواف وسعیدن ماعدا بالجمله افعال حجه اشتراک ایدیه بیله جکنی سویلیدی .

قافله ذی الحجه نك دوردنجی بازار کیجه سی « ذی طوی » نام محله کیجه لیهرک اول حضرت صباح نمازینی ادا ایتدکدن ویقاندقدن صوکر حرکت ایلدی . کوندزه قارشنی « ثنیه العایا » وشهرک یوقاری طرفدن مکه مکرمه یه کیریلیدی ..

حلیم ثابت

دردنجی نسخه ده مندرج سؤاله کوندراین جوابلرک

ایکنجیسی :

الاظهر انه بالوقف تنتقل رقة الموقوف الى الله تعالى ای تفنک عن اختصاص الآدميين كالعتق وقيل لابل للواقف لانه انما اراد ملكه عن فوائده وبه قال ابو حنيفة مالم یقرن بحکم او تعلیق بموت بلفظ اذامت فقد وقفت اوفهی وقف علی کذا اذا المعنی فاعلموا انی قد وقفت لا وقفت بدون فقد والفرق ان الاول انشاء تعلیق والثانی تعلیق انشاء وهو باطل لانه وعد محض وقيل للموقوف علیه كالصدقة والخلاف فيما یقصد بد تملیک ریه بخلاف ماهو تحریر نص کالمسجد والمقبرة والربط والمدارس فاتفق اذا تقرر هذا فنقول ضبطا لموضوع البحث ومعادله دفعا لانسحاب حکم احدهما علی الآخر الموجب لصرف الذهن عن سبیل الصواب ما یبیله التحریر لایخلوا اما ان یتناهی بفوات الانتفاع به او لا یتناهی والاول باطل لامکان الانتفاع به حالا بالصلاة او الدریس فی ارضه فتعین الثانی فلا یباع وهذا الدلیل سالم عن المعارض وتقول فی قسم هذا ماسبیله المنافع لایخلوا اما ان یتناهی بفوات منافع المقصوده بالکلیه او لا یتناهی والاول باطل لمنافاته للتأیید الغرض مندفعین الثانی فلا یباع لکن فی هذا القسم القول بالتأیید الغرض منه معارض وان صرح الواقف للعلم بأنه لا یرید تعطیل وقفه ونوابه بتعطیل منفعه فیحمل تصریحه بذلك علی ابقاء الوقف علی حاله ما امکن فاذا اقتضت الضرورة عدم ابقائها علی حالها ولم یقرن بمانع یحکم بالمساحة فی نحو بیعها لتدارک

مثلاً نظیر نقض المحررات المذكورات آنف لامحالة والتقطنا هذه المقولات الشافيات من عيون الفاظ متن الملتقى لما علمناها مدموعة بتلك الاشعارات فان مؤلفه مع جازة لفظه لم يدع شيئاً من المهمات ولما صار لنا علم بالاستجواب والجواب من يونس افندي المبرز لذلك الخطاب وبعد حضر انكم مطنبون بما عسى ولعل يزيد في البين ما هو ذكرى وحسن مأب اردنا التبرك بلحاظ عيونكم بتبرك هذه السطور لو وضعت في خير المنظور

مفتی قضاء ساور

احمد حلمی

فَلْتَنْقِصْ

مصاحبه

ایکے کشی آرہے سندہ مناسبت حاصل اولہ بیلک ایچون فکرلرک توافقی شرط اعظمدر. فکرلر توافقی ایتمدیکہ شخصین بیندہ مناسبت حصولی ممکن دکار. ہمدم موافق بولمق خصوصندہ کی صعوبتک منشائی دہ بوشریطہ موانستک قولای قولای الدہ ایدیلہ مہمہ سیدر. فصلسہ بز بوکا موفق اولمش، کندیمزہ بریار موافق بولمش ایدک. صحبت لطیفہ سی ہم ایچون روحانی برغدا تشکیل ایدن رفیقمدہ برمدندبری بلدی برمرض حالی آلان «بولتیقہ» خستہ لغنہ طوتولمغہ براستعداد کوردیکمدن بومرض الیمک سرایتندن محافظہ نفسہ مدار اولہ جق بعض تدابیر واقعہ یہ توسل ایتمسنی کندیسینہ خالصانہ اخطار ایلش ایدم. اخطارمی دیکلہ مدی؛ کانون مرض اولان محللرہ تقریدہ اصرار ایتدی؛ نہایت اولانجہ شدیلہ بومرض مدہشہ طوتولدی. مرضک دور تقریحی رفیقکمک احوال عمومہ سنجہ بر فوق العادہ لک کوسترمیدسہدہ بحران دورلری جدآ بنی اندیشہ یہ دوچار ایتدی. سرائی، میقروب واسطہ سیلہ دکل۔ اسنہ کی۔ علاقہ طریقہ اولمسنہ نظرآ جسمائیدن زیادہ روحانی دیمک اولان بودرد مزعجک اندفاعی ایچون رفیقکمک جملہ عصیبہ سی اوزرنندہ حسن تاثیر اجرا ایدہ جک بعض تلقیناتدہ بولمق ایستہدم؛ مع التأسف هیچ تأثیری اولمدی. حتی بوتلقینات، معکوس نتیجہ لر ویردی. یعنی رفیقم وصایای دوستانہ مدن ممنون اولمق شویلہ طورسون اوج بش آیدنبری بنملہ بسبتون قطع مناسبت ایتدی. اعادہ مناسبت خصوصندہ اصرارک فائدہ نی دکل، بالعکس مضرتی موجب اولہ جفی بیلدیکمدن بن دہ کندیسینی اراماز اولدم. کچن کون بردہ باقدم کہ بزم رفیق محترم حقیقہ کلدی و ماسبقدن ندامتی معلن برطور شطارتلہ جبر خاطر طریقہ سلوک ایدہ رک کورک فقہہ لرلہ قاریشیق، یالیزلی جملہ لر صرف ایتمک، طبعہ کشایش ویرہ جک

لطیفہ لر سولیکہ باشلادی. بن دہ مقابلہ دہ قصور ایتمدم. فقط بیچارہ نک شخصیت مادہ سندہ کوردیکم عظیم برتبدل جدآ نظر دقیمی جلب ایلکدن خالی قالمیور ایدی. «الظاهر عنوان الباطن» قاعدہ سنک بک آز تخلف ایتدیکنہ، یاخود هیچ تخلف ایتدیکنہ بناء رفیقہ بک شخصیت مغنویہ سندہ دہ برتحول وقوعنہ حکمدہ تردد ایتمدم. لکن کندیسینی اندیشہ یہ دہ شورمدک ایچون اصلاً بوتبدلک اسباب موجبہ سنی صورمدم؛ ذاتاً کندی کندینہ میدانہ چیقاجق برشیدہ استقصا عبثدر. رفیقم غایت جوال بر ذکایہ مالک اولدیفندن ادبیاتی سور، فلسفہ دن لذت آلیر، ہلہ مباحثات دنیہ دہ علی الاکثر افراطہ واریر. فقط قالدیرم سیاستہ قطعاً تمایل ایتز ایدی. برزمان بالخاصہ شعرہ زیادہ جہ برانہماک کوسترمیش ایدی. نظم اشعارہ اولان استعدادنی ہوسندن دون بولدیفندن برکون کندیسینہ شویلہ اخطاردہ بولمش ایدم: برادر نیچون دہانا فاع شیلرلہ اشتغال ایتمیورسک؟ بعض شیلر واردر کہ «علی العادہ» سی صاحبی ایچون هیچ بر مزیت تأمین ایتز: انلردن بری، بلکہ برنجیدی دہ شعردر. انسان شاعر اولمق ایچون مطلقاً شاعر طوغمہ ایدر. فطرتک بویلہ مستثنی بر لطفنہ مظہر اولمیانلر سوق ہوسلہ جبر طبیعت وادیسینہ سلوک ایدرک شعر نامنہ بعض اثرلر وجودہ کتیرہ بیلرلر ایسہدہ اثرلرینک قیمتی محدود، ہلہ عمرلری بک آردر. شعر وادیسینی ہر کسک بر کرہ باش اوردینی بر وادیدر. برعکس العمل اکثریا اووادی یہ سلوک ایدنلری رجعتہ مجبور ایدر. شعرك اعلاسی برشی، علی العادہ سی ہیچدر. علی العادہ شعر سولینلر اک شایان مرحمت آدملردر. ہم سنک کی اذکیای امتک کافہ سی شعرہ ہوس ایدہ جک اولورسہ اورتہدہ یالکز بر موضوع قالیرکہ اووہ قحطرجال یوزندن وطنک مستقبلأ اوغرایہ جفی بلیہ مدہشہ مضمونیدر معاذاللہ ارتق اوشاعرلر اوزمان بول بول مرثیہ سولاسونلر! رفیقم بواخطارمک کندیسینی ایچون تضمن ایتدیکی خیری تسلیم ایلہ برابرینہ بیلدیکمدن شامادی. بن دہ بک ایلرینہ کیتمدم. بر آرائق مباحث دینیہ تی تعمیق فکرندن صرف نظر ایتسی ایچون دہ کندیسینہ بعض وصایا بولمش ایدم. اوجہت ہم معادہ تعلق ایدر، اندن اصلاً فراغت ایدہم، دیدی. بوندن طولای اڑہ صرہ بینمزدہ دینی مسائلہ دائر بعض مباحثات جریان ایدر ایدی. واقعاً بولتیقہ خستہ لنی بونلرک کافہ سنی اونوتدیرمش ایدی. فقط بواونوتقمق موقت ایدی. زیرا اوکون بینمزدہ براز افاتی صحبت جریان ایتدکدن صکرہ رفیقم جدی برطور ایلہ شوسوزلری سولیدی: برادر سن بک ایی بیلیرسک کہ بن دینسز اولمديگم کی، دینسز لری دہ سوم. چونکہ بتون مزیات انسانہ نک دین ایلہ قیامنہ قائل اولانلردنم. فقط بوکونلردہ احوال مغنویہ مدہ غریب برتبدل مشاہدہ ایدیورم. وجدانمدہ دینہ دائر ایکی مختلف جریان حاصل اولدی. بن بوجریانلردن برینہ عقلی، دیکرینہ حمی دیہ جکم. سبب تسمیہ تی شمدی آکلارسک چونکہ بزم عقل نامنی ویردیکمز قوتلہ دوشوندیکہ دین خصوصندہ بردرلوقناعت کاملہ حاصل ایدہ میورم؛ دہا طوغریسی دینہ ایصینہ میورم.